

August 28, 2016

Maikasangapulo ket Uppat a Domingo Kalpasan ti Pentecostes:

Paulo ti Leksion 39: “Ti Mangsursuro a Bileg ti Espiritu Santo”

DAGITI TEKSTO:

Old Testament: Exodus 4:1-17

Daan a Tulag: Exodo 4:1-17

4 Nupay kasta, kas sungbat kinuna ni Moises: “Ngem no kas pagarigan saandak a pasien ket saanda nga umimdeng iti timekko, agsipud ta kunaenda, ‘Ni Jehova saan a nagparang kenka.’”

2 Idin kinuna kenkuana ni Jehova: “Ania dayta adda ita imam?” nga iti dayta kinunana: “Maysa a sarukod.” **3** Sumaganad kinunana: “Ipuruakmo iti daga.” Gapuna impuruakna iti daga, ket nagbalin a serpiente;e ket nangrugi nga adaywan ni Moises. **4** Ni Jehova kinunana ita ken Moises: “Iyunnatmo ta imam ket gammatam iti ipusna.” Gapuna inyunnatna ti imana ket ginammatanna, ket nagbalin a sarukod iti dakulapna. **5** “Tapno iti kasta,” kas panangadaw kenkuana, “patienda koma a ni Jehova a Dios dagidi ammada,f ti Dios ni Abraham,g ti Dios ni Isaac ken ti Dios ni Jacob,i nagparang kenka.”

6 Kalpasanna kinuna kenkuana ni Jehova iti naminsan pay: “Isuksokmo ta imam, pangngaasim, iti makinngato a kupin ti kawesmo.” Gapuna insuksokna ti imana iti makinngato a kupin ti kawesna. Idi inruarna, ay ket, adtoy ti imana nagkukutel a ti langana kasla niebel;k **7** Kalpasan dayta kinunana: “Isublim ta imam iti makinngato a kupin ti kawesmo.” Gapuna insublina ti imana iti makinngato a kupin ti kawesna. Idi inruarna manipud makinngato a kupin ti kawesna, ay ket, adtoy nagsubli kas iti dadduma a lasagna!a **8** “Ket mapasamakto a,” kas panangadaw kenkuana, “no saandakanto a pasien ket saandanto nga umimdeng iti timek ti umuna a pagilasinan, ngarud sigurado a patiendanto ti timek ti maud-udi a pagilasinan.**9** Kaskasdi, mapasamakto a, no saandanto a pasien dagitoy mismo

a dua a pagilasinan ket saandanto nga umimdeng iti timekmo, ngarud kasapulan a mangalakanto iti danum manipud Karayan Nilo ket ibuyatmo iti namaga a daga; ket ti danum nga alaemto iti Karayan Nilo sigurado nga agbalinto, wen, pudno nga agbalinto a dara iti namaga a daga.”d **10** Ni Moises kinunana ita ken Jehova: “Dispensarennak, Jehova, ngem saanak a natalabit a pumapalawag, uray nanipud pay idi kalman wenno nanipud pay kasakbayan dayta wenno nanipud pay panagsaom iti adipenmo, ta naullayat ti ngiwatko ken naullayat ti dilak.” **11** Iti kasta kinuna kenkuana ni Jehova: “Siasino ti nangituding iti ngiwat maipaay iti tao wenno siasino ti mangitudingiti umel wenno iti tulengwenno iti nalawag-panagkitana wenno iti bulsek? Saan aya a siak, ni Jehova? **12** Gapuna

ita mapanka, ket siak addaakto iti ngiwatmo ket isurokanto no ania ti rebbeng a sawem.” **13** Ngem kinunana: “Dispensarennak, Jehova, ngemagbaonka, pangngaasim, babaen ti ima daydiay ibaonmonto.” **14** Idin bimmara ti unget ni Jehova maibusor ken Moises ket kinunana: “Saan aya a kabsatmo ni Aaron a Levita? Ammok nga isu pudno a kabalinanna ti agsao. Ket, malaksid iti dayta, adtoy umumayen a sumabet kenka. Inton makitanaka, sigurado nga agragonto iti pusona.b **15** Ket masapul nga agsaoka kenkuana ket ikabilmo dagiti sao iti ngiwatna: ket siak addaakto iti ngiwatmo ken iti ngiwatna, ket isurokayto no ania ti aramidenyo. **16** Ket masapul nga isawannaka iti ili; ket mapasamakto nga agserbinto kenka a pannakangiawat,f ket agserbikanto a kas Dios kenkuana. **17** Ket daytoy a sarukod itugotmonto ita imam tapno maaramidmo dagiti pagilasinan babaen iti dayta.”

Baro a Tulag: Efeso 4:11-12

21 Awan duadua a nangnagenyon ti maipapan kenkuana ket kas pasurotna naisuro kadakayo ti kinapudno maipapan ken Jesus. 22 Iwaksiyo ngarud ti daan a kinataoyo a nangidalan ti sigud a katataoyo- ti daan a panagbiagyo a nangdadael idi kadakayo gapu iti tarigagay a nangyaw-awan kadakayo.

PANNAKAILAWLAWAG TI TEKSTO

Ti istoria ti pannakaayab ni Moises ket maysa kadagiti kalatakan nga istoria no kasano nga ayaban ti Dios ti maysa a tao tapno agbalin nga instrumento ti pannakaipatungpal ti nadosan nga plano ti panangsalbar ken panangwayawaya kadagiti tattao manipud pannakairurumen ken pannakaadipen manipud Egipto. Kasta met nga ti sungbat ni Moises ket gagangay nga sungbat ti maysa tao nga agakem iti kritikal, agbalin nga pakaistoryaan ken ti akem a mangbalaliw iti kagimongan. Adda latta panagtukkiad ti rikna wenno panagatras, ken panagbuteng gapu iti nadagsen nga maipaakem kenkuana. Ipakita met daytoy nga istoria nga no agayab ti Dios, tulonganna ket idalanna aniaman ti aramidenna. Saanna pulos nga bay-bayan, makitana ti pagkapsutan ken punnoanna tapno mausar dagiti abilidad ken talento nga agpaay iti panagakem iti trabaho nga iyayab ti Dios.

Daytoy ti kangatuan nga parang ti komitment nga panangisalakan kadagiti tattao ti Dios. Naunday a panawen ti panagrigat dagiti Israelita ta isangitda iti rigatda manipud iti ima dagiti Egipsios, tartarigagayanda ti maisalbar ken mawayawayaan. Umawagda iti pannulong iti Dios, ket ti Dios nangeгна dagiti saning-i dagiti tattao, isut' gapuna nga agayab met kadagiti tattao nga agbalin nga ahente iti pannakaisalakan. Inayabanna ni Moises iti daytoy akem, numan pay saan nga nalaing wenno eksperto ngem inted ti Dios ti pannakabalin tapno maaramidna dagiti naipaakem kenkuana.

Mabalin nga nakita ti Dios ni ti kinasiasino ni Moises gaputta napadakkel nga Ehipsios ngem addaan puso nga Hebreo. Nakita ti Dios ti puso ni Moises nga addaan nadam-eg a panagayat kadagiti tattao nga agsagsagaba ken biktima iti nadangkok nga ima dagiti papangulo. Naimatangan ti Dios ti panangprotekta ni Moises kadagiti tattao. Sinalbarna ti agbalinto nga asawana ni Zipporah manipud pannakagungundaway. Kanayonna a tulongan dagiti nakapuy ken nakapsut. Saan a nagbalin dagiti pambar ni Moises, no di ket dagitoy dagiti pinapigsa ti Dios tapno maaramidna dagiti naipakomit kenkuana.

Ti sagut ti Espiritu Santo, ti sagut ti panagayat isu ti tanda ti kinamannakabalin ti Dios nga agpannuray kadagiti miembro ken papangulo iti agdama a panawen. Kas nailanad iti Efeso 4:11-12, adu dagiti nasagutan iti nagduduma a sagsagut nga nagtaud iti Dios babaen iti Espiritu Santona. Addada dagiti nasagutan ken naituding nga agbalin nga apostoles- addaanda iti abilidad ken komitment nga agsaksi iti amin a pannakabalin iti panangwayawaya ken panangagagas ni Jesus Cristo. Dagiti dadduma pay nasagutan nga agpadto- silalatak ken situtered nga mangiwaragawag kadagiti sasao ken pagayatan ti Dios iti panawentayo. Dagiti dadduma nasagutan met iti sagut a mangasaba- mangibingay iti naimbag a damag ti namnama ken naraniag a masakbayan para kadagiti nakurapay ken mairurumen, dadduma nagbalin a pastor- mangisuro, naanus a mangipalpalagip kadagiti sasao ken pagayatan ti Dios ditoy lubong. Magannong kadagiti akem a mangidalan iti panannakaitukit, pannakataripato, panangdakkel ken panangbalin a manakem dagiti tattao kangrunaan kadagiti naespirituan a biag dagiti tattao. Dagiti dadduma nasagutan ti panangisuro- tapno babaen iti panangisuro maamuan a naimbag dagiti tattao ti pammati ti Iglesia, maibiagda ket agbalinda a sibibiag a saksi iti agdama a tiempo.

Dagitoy a sagsagut masapul a nakabatay wenno napundasionan iti ayat manipud kadagiti kaunggan ti puso, aniaman a klase ti panagbiag tapno agbalin nga epektibo wenno nasamay nga pamuspusan ti pannakaisaknap ti mission ken Naimbag a Damag ti Dios. Ti panagbalin nga apostoles, mangaskasaba, pastor, mangisursuro, ken dadduma pay ket saan a nasamay no saan a nakapundar iti ayat. Agbalin nga nasantak ti akem ken responsibilidad no ti trabahuem wenno ar-aramiden ket addaan ayat ken ragsak ti panangisayangkat. Daytoy a sagut ti kapada ti sagut nga adda ken Moises idi ta inayaban ti Dios, nakitana, nariknana, napadasanna dagiti tuok ken rigat dagiti tattao isut' gapu a maipasdek iti ayat iti pusona tapno nu man pay adu ti pambarna, nagtulnog babaen iti panangisuro ti Dios kenkuana. Daytoy a sagut iti panagayat ti mangselyo iti panagbalin dagiti apostoles nga nanakem ken panagbalin dagiti papastor ken mangisursuro tapno maaddaan iti nauneg a komitment iti trabahoda. Daytoy a sagut ti Espiritu Santo ti mangtalmeg iti panannakaisuro ti bagi ni Cristo tapno agbalin sinsero, ken seryoso iti akemna iti lubong uray iti baet iti kinadakes, kinadangkok iti agdama. Makarit ngarud ti Iglesia nga mangaramid ti akem ken missionna iti agdama.

TARABAY KADAGITI MANGISURO

Ti Constitution ti UCCP ibagana iti Seksyon 1, artikulo IV "The Ministry of the Church" "Ti Iglesia, kas tattao wenno annak ti Dios, naayaban nga agayat ken agserbi ken mangbirok wenno mangisaknap iti talna a nakabasar iti husticia ken rekonsilyasion, a kas panagtulnog iti pagwadan nga inpakita ni Jesus. Kas bigbigentayo dagiti nadumaduma a sagut ti Dios kadatayo, amin ngarud a miembros ket naayaban a makipagpaset wenno makipagpatisipar iti ministerio...." (*"the church, as the People of God, is called to a ministry of love and service and*

the search for peace based on justice and reconciliation, in obedience to, and as exemplified by Jesus Christ. Having been given a diversity of gifts, all church members are called upon to participate in this ministry....")

Idi ta in-anunsiyo ni Jesus ti ministeriona iti sinagoga diay Nazareth, kinunana, "Ti Espiritu ti Dios adda kaniak....." Ti Espiritu Santo inbuyatna iti Iglesia dagiti nadumaduma a sagsagut a kasapulan dagiti miembros tapno maipatungpal dagiti nadumaduma nga akem ti panangministerio. Kayat a sawen daytoy nga saan nga ipalubos ti Dios nga agministerio ti Iglesia nga awan ummannatop nga kabaelan dagiti miembros nga mangyaramid ti trabaho ti Dios ditoy lubong. Kas kuna ni Marthin Luther, "Saan nga ibaon ti Dios ti aniaman nga saantay ammo nga aramiden." Kayat a sawen daytoy nga ti Dios naayat ken naindaklan unay saan laeng a mamakawan kadatayo no di ket suruannatayo kadagiti umno nga aramidentayo kas Iglesia tapno agtulnog iti wagas ti ministerio ni Jesus.

Ti Iglesia masapul nga maawatanna nga ti Espiritu Santo ket isu ti Espiritu ni Cristo no sadino nga ti ministeriona ket agayat ken agserbi ken agtulnog iti "inpakita ni Jesus." Ania ti inaramid ni Jesus ken ania ti inaramidna kadakuada. Ti sagut ti Espiritu Santo ket nairanta kadagiti mamati ken Jesus nga agtulnog iti pagwadan nga inyaramidna iti adda ditoy lubong. Gapu itoy, inpaganetget ni Apostol San Pablo nga ti panagsao kadagiti nadumaduma a pagsasao ket ekspresion ti presensiyana kadatayo. Masapul nga agsaoka kadagiti balikas ti panagbiag dagiti tattao tapno maruk-atanda manipud kinarigat, kinadakes ken mayaonda iti nasaysayaat a kasasaad iti biag.

Kada tawen, agisagana ti Iglesia kadagiti plano ken pinansiya iti sumaruno a tawen basar iti kasasaad iti napalabas a tawen. Adu dagiti plano a nalpas ken nayaramid ti Iglesia. Ok nasayaat unay. Ngem ti kritikal nga saludsod, manun a porsiento ti naaramid ti Iglesia tapno malukatan dagiti panpanunot dagiti miembro iti pudpudno nga ministerio ni Jesus. Ti kasayatan pay nga pagrukodan ket dagiti kadi miembro ket adda nagbalbaliwan ti panagbiagda maipapan iti kagagalad, ug-ugali ken prinsipyo ni Jesu Cristo? Umarngi kadi ti biagda iti biag ni Jesus isu a pinatida? Ti Espiritu Santo ipalubostayo nga suruannatayo kas Iglesia nga itrabaho dagiti akemtayo a mangisuro, mangispirar ken mangbalbaliw kadagiti miembro iti nasaysayaat a galad ken pannirigan tapno babaen iti pannakasursuro mapanda iti lubong tapno agsilnag ken mangisaknap iti naraniag a namnama ti masakbayan a naituding para kadatayo amin.

Nursery/Kindergarten/Younger Elementary Levels

I. Panggep

Kalpasan ti panagadal ken ti agtultuloy a panangipakita dagiti nagannak ken nataengan ti umiso nga ehemplo, dagiti ubbing ket mabalinanda nga:

1. Maidescribarda no kasano a ti Espiritu Santo suruanna dagiti ubbing nga tumulong ti pannakaipasdek ti Bagi ni Kristo;
2. Maidemonstrarda no kasano nga agpada ti napsikalan a bagi ken iti Bagi ni Kristo;
3. Maresolbada nga aramaten dagiti sagut ti Espiritu Santo tapno maitrabaho dagiti trabaho ti Iglesia kas panagtulnog ken Kristo.

II. Konsepto: Ti Espiritu Santo sagutanna ken suruanna dagiti ubbing tapno tumulong ti pannakaipasdek ti Bagi ni Kristo ditoy lubong.

Dagiti Kasapulan : Bibliya, pagkantaan, pagyanan offerta, mapa ti kapilya

III. LINAON TI PANAGADAL

A. Panglukat a Panagdayaw

1. Panangpasangbay: Siraragsak a kablaawan dagiti ubbing nga agsasangpet.

2. Panglukat nga kararag: "Apo Dios, agyamankami kadagiti paset ti pamilyami a nangitugot kadakami ditoy ita. Sapay ta lukatam manen dagiti puso panunot ken biag mi nga agadal manen kadagiti nasagraduan a Sasaom. Agkararagkami ken Jesus nga Apomi, amen!

3. Panglukat nga kankanta: "Head, Shoulders, Knees, and Toes" or "Paa, Tuhod, Balikat, Ulo"(As an exercise, refer to <https://www.youtube.com/watch?v=h4eueDYPTlg>)

B. Panangisagana

1. Ibagam kadagiti ubbing nga rugian ti panagklase babaen iti maysa nga ay-ayam a napauloan iti "Ania ti talentok". Mangaramid ti roleta wenno basket. Isurat ti nagan dagiti ubbing sa ikabil iti uneg ti roleta wenno basket. Ibagam nga mangisaganada iti talento nga aramidenda kasla koma agkanta, agsala, agpinta, agistorya, tumulong iti kusina, agaywan ti ubing, agbasa, agdrama, aguitara, mangidalan, dumngeg, mangisuro ken dadduma pay. Kiwaren ti basket wenno puligosen ti roleta, bumunot ti maysa nga nagan, patakderen ti ubing sa ipabuyana ti talentona. No N/K, simple lang dagiti mabalin nga sungbatda. No YE ibagam nga idramada dagiti sungbatda.
2. Iproseso ti aktibidad. Ania ti nariknam iti panangipabuyam ti talentom?

C. Oras ti Innadal/Panagadal

1. Ibagam kadagiti ubbing nga kantaenda manen ti panglukat a kanta nga adda aksyonna. Isao manen dagiti parte ti bagi a kas iti ulo, abaga, siket, tumeng ken saka. Ibagam nga mangibagada kadagiti paset ti bagi nga saan a nairaman iti kanta.
2. Ibagam: Ti Dios inikkannatayo ti bagi nga addaan iti nadumaduma nga partena. Amin dagitoy nga paset ti bagi adda akemna tapno mapasalun-at ken mapapigsa ti bagi. Amin a partena adda abilidad ken kapabilidadna nga trabahuen ti amin nga naipakomit nga trabahona. Ibagam ti tunggal usar dagiti paset ti bagi.
3. Dutokan dagiti ubbing nga mangibaga ti paset ti bagina sana ibaga no ania ti usarna.
 - a.) Ulo (para panunot)
 - b.) Saksaka wenno dapan (para pagna, para taray, para lagto)
 - c.) Im-ima (para surat, pagala kadagiti banbanag, pagbuggo)
 - d.) Mata- para kita, agong-pagangot, lapayag-pagdengeg, dila-pagraman
4. Ibagam: Ti Iglesia ket mayarig iti maysa a bago. Ti Biblia kunana nga ti Iglesia ti bagi ni Kristo. Ni Cristo ti pannakaulo ti Iglesia. Babaen iti Espiritu Sato, kada miembro ti Iglesia naikkan talugading wenno talent tapno maipasdek ti bagi ni Cristo ken tapno agtultutloy a nabiaq ken nasantak ti bagi ni Cristo.

D. Panangpauneg ti Adal/Panagbibinnuray.

Damagem kadagiti ubbing no ania ti riknada kas maysa a bagi ni Cristo. Ilawlawag dagiti nadumaduma a talugading wenno sagsagut ti Espiritu Santo kadagiti miembro. Ilawlawag nga amin dagiti miembros ti Iglesia adda naisangsangayan nga akemda iti bagi ni Cristo tapno sumaysayaat ken sumalsalun-at ti bagina ditoy rabaw ti daga.

1. Sinno nangted iti otoridad iti Iglesia? (Jesu-Cristo: ulo ti Iglesia) Apay? (Naggapu ngamin ti otoridadna iti Dios Ama, ti amana)
2. Nasayaat a banag a maamuan ti tunggal maysa ti naespirituan a sagutna? Apay? (tapno maitedna iti Iglesia dayta a sagut ken agbalin a manaken nga anak ti Dios)
3. Sinno mangtulong kadagiti miembro a mangdiskubre iti sagut a naipaay kadakuada? Agpilika ti sungbat iti baba. Apay
 - a.) Ti PASTOR isu a pannakapangulo iti Iglesia. Kaduana ti Bishop ken panglakayen tulonganda dagiti miembros a mangdiskubre ti naited a naespirituan a sagutda. Itag-ayda dagiti miembros a mangusar iti dayta a sagut.
 - b.) Dagiti mangisursuro tulonganna dagiti miembros a mangammo pay naun-neg maipapan iti Dios. Agisayangkat da kadagiti Sunday School klas ken Vacation Church School. Mangsanayda kadagiti ubbing ken agtutubo nga agbalin nga pangulo iti masanguanan.
4. Ania ti insagut ti Espiritu Santo kenka a naespirituan a sagut?
5. Umannamong ka wenno saan? Dagiti partes ti bagi agtitinnulongda tapno nasalun-at ken napigsa ti bagi. Dagiti miembros ti Iglesia nasursuruanda nga agmaymaysa nga agrabaho babaen iti Espiritu Santo tapno nasantak ken nabiaq ti bagi ni Cristo.

E. Panangdiskubre ti Adal manipud iti Biblia.

Damagen:

Ania ti sagut ti Espiritu Santo kadagiti ubbing tapno masursuruan ken agrabahoda a mangipasdek iti bagi ni Cristo?

F. Panangiyaplikar ti Adal manipud iti Biblia.

1. Ipresentar ti ladawan ti kapilya. Ipaganetget nga ti Iglesia ket saan nga iti patakder no di ket dagiti tattao nga adda sadiay nga agdaydayaw iti Dios.

2. Damagen kadagiti ubbing no kasanoda nga tumulong iti pannakapasayaat ti Iglesia. Ibagam nga ipadada dagiti naes[irituan a sagut kadagiti trabaho ti Iglesia.
- 3.

NATURAL A TALENTO	KASANO NGA USAREN
panagdrowing	Panangisuro iti pammati
panagkanta	Panangisuro maipapan ken Cristo
Atletiko	Pangtulong kadagiti sabsabali
panagsurat	Panagserbi kadagiti sabsabali
panagdrama	Panangitag-ay kadagiti sabsabali
panagtokar	Panangibingay kadagiti bendisyon

G. Pangserra nga aramid:

1. Panagdaton
2. Pangrikep a Kanta: God is so Good
3. Pangrikep a Kararag: “Apo Dios agyamankami kadagiti naespirituan a sagut nga inpaaymo kadakami. Tulongannakami tapno mausarmi nga pangdayaw kenka ken pangpapintas iti Igllesiami isu a bagi ni Cristo. Tulongam dagiti pastor ken mangisursuro kadakami tapno tulonganda kami nga mangdiskubre iti talugading nga adda kadakami. Amen!

Middle and Older Elementary Levels

I. Panggep

1. Mailadawanda no kasano nga agpada ti bagi ti tao iti bagi ni Cristo ;
2. Maresolbada nga ti panagtulnog iti Dios babaen iti Espiritu Santo ken nasayaat unay ken isu ti kangrunaan nga aramiden;
3. Madescribarda no kasano nga suruan ti Espiritu Santo dagiti ubbing tapno tumulong nga mangpasayaat iti bagi ni Cristo.
4. Mausarda dagiti naespirituan a sagutda kas ubbing a makipagpaset kadagiti amin nga aramid ken misyon ti Iglesia.

II. Konsepto: Ti Espiritu Santo mangted sagut a mangparang-ay kadagiti ubbing tapno makipagpaset iti trabaho ti bagi ni Cristo.

Dagiti Kasapulan: *Biblia, pagkantaan, activity sheet*

III. Linaon ti Panagadal

A. Panglukat a Panagdayaw

1. **Panangpasangbay:** Naragsak a kabalaawan dagiti ubbing. Alaem ti pagatendaran ta itsek dagiti presente nga ubbing
3. **Panglukat a Kararag:** Apo Dios agyamankami iti daytoy nga inaramidmo nga aldaw a panagdayaw ken panagadalmi manen kadagiti sasaom. Agyamankami kadagiti paset ti pamilyami a mangitugtog kadakami tapno maadalan kami. Dawatenmi O Apo ti pannakabalin ti Espiritu Santom nga tulongannakami ket idalannakami. Tulongam O Dios ti mangisursuro kadakami. Agkararagkami ken Jesus nga Apomi, Amen!
3. **Panglukat a Kanta:** “My Task” (Hymnal of a Faith Journey # 311) first two stanzas

B. Panagsagana

1. Ibagam iti klase a basaenda ti Efeso 4:11-12, 16 iti napigsa a timek ken aggedan.
2. Ilawlawag dagiti nadumduma a kayat a sawen dagiti nadumaduma nga naespirituan a sagsagut.
 - a.) Apostoles- kayat a sawen maysa nga naibaon. Naikkan otorida aken pannakabalin a mangibangon iti Iglesia ditoy rabaw ti daga. Dadduma nasagutan kadagiti panagaramid iti mirakulo.
 - b.) Propeta- awatenna a direkta dagiti rebelasyon manipud iti Dios. Situtred da nga mangiwaragawag ti saan nga umno ken silalatak nga iwaragawagda no ania ti nasayaat ken pagayatan ti Dios.

- c.) Ebanghelista- mangikasaba ti Ebanghelio ti Dios wenno Naimbag a Damag ti panangisalakan ti Dios. Dagitoy dagiti tattao nga nakaramut iti pammatita iti Dios.
- d.) Pastor- kayatna a sawen mangidalan. Masapul nga manakem ken nanakman nga tattao ti Dios. Amin nga pastor ken mangisuro. Amin met a mangisuro saan a pastor. Dagiti ngamin mangisursuro saan da a makapag-aken iti Iglesia.

C. Panawen ti Innadal

Pagkapatn ti klase segun iti kaadu dagiti ubbing. Ikkan ti akem tunggal grupo.

- a.) Umuna a grupo. Silpuan ti naawan a parte ti bagi. Mangaramid iti maysa nga kadakkel ti maysa a bagi ti tao. Mangikkat ti aniaman a partena ket silpuan dagiti ubbing dagiti nakurang nga partena. Damagem, makatrabaho ka kadi no awan dagitoy a parte ti bagim? Ilawlawag ti klase nga dagiti isuamin a parte ti bagi adda akemda iti panagrang-ay ti bagi.
- b.) Maikadua a grupo: Maysa a Bagi, adu ti pasetna. Mangaramid ti name tags. Iti likod dagiti pagyanan nagan, isurat dagiti parte ti bagi. Ibagam nga grupoenda ti bagida segun kadagiti nasurat a parte ti bagi. (ulo, agong, ngiwat, saka, ken dadduma pay). Ibagam nga mangidrowingda iti sabong iti pisara. (Ekspektaren nga saan da kabaelan gaputta awan ima, mangnayonka ti ubing nga ima sadanto idrowing ti sabong)
- c.) Maikatlo a grupo. "Amin a paset ket naisangangayan, isu nga amin ket masapul ti sibubukel a bagi. Mangayab ti agkapareha nga ubbing. Ikkan ti kalub ti mata ti maysa. Suruan ti maysa nga ubing ti awan kalub ti matana, ta kuloranna ti ladawan. Kalpasanna damagem: No awan mangibaga iti pangkoloran a banda, makulayan ngata ti nakaluban ti matana?"
- d.) Maikapal nga grupo. "Padayawan ken respetaren ti amin a paset ti bagi" Damagem kadagiti ubbing no ania ti aramidenda no masugat wenno masaktan ti aniaman a parte ti bagi? Masaktan met kadi ti amin a paset ti bagi? Ipada iti kasasaad ti bagi ni Cristo, maseknan ti tunggal maysa kadagiti rigat, panagsagaba ti tunggal paset ti bagi.

D. Panangpauneg ti Adal/Panagbibinnuray

Ilawlawag dagitoy nga aktibidades iti Iglesia. Ibagam: Ti Bagi ni Cristo ket isu ti Iglesia mayarig iti bagi ti maysa a tao nga adu ti partes wenno pasetna, dagiti miembros isuda dagiti paset ti bagi ni Cristo. Damagen dagiti sumaganad:

- a.) Sinno nangted iti otoridad iti Iglesia? (Jesu-Cristo: ulo ti Iglesia) Apay? (Naggapu ngamin ti otoridadna iti Dios Ama, ti amana)
- b.) Nasayaat a banag a maamuan ti tunggal maysa ti naespirituan a sagutna? Apay? (tapno maitedna iti Iglesia dayta a sagut ken agbalin a manaken nga anak ti Dios)
- c.) Sinno mangtulong kadagiti miembro a mangdiskubre iti sagut a naipaay kadakuada? Agpilika ti sungbat iti baba. Apay
- d.) Ti PASTOR isu a pannakapangulo iti Iglesia. Kaduana ti Bishop ken panglakayen tulonganda dagiti miembros a mangdiskubre ti naited a naespirituan a sagutda. Itagayda dagiti miembros a mangusar iti dayta a sagut.
- e.) Dagiti mangisursuro tulonganna dagiti miembros a mangammo pay naun-neg maipapan iti Dios. Agisayangkat da kadagiti Sunday School klas ken Vacation Church School. Mangsanayda kadagiti ubbing ken agtutubo nga agbalin nga pangulo iti masanguanan.
- f.) Ania ti insagut ti Espiritu Santo kenka a naespirituan a sagut?
- g.) Umannamong ka wenno saan? Dagiti partes ti bagi agtitinnulongda tapno nasalun-at ken napigsa ti bagi. Dagiti miembros ti Iglesia nasursuruanda nga agmaymaysa nga agtrabaho babaen iti Espiritu Santo tapno nasantak ken nabigat ti bagi ni Cristo.

E. Panangdiskubre ti Adal

Saludsodem:

Kasano nga ti Espiritu Santo ikkana ti sagut ket suruanna dagiti ubbing nga agtrabaho kadagiti trabaho ti Iglesia?

F. Panangyaplikar iti Naadal

1. Isuro ti laglagipen a bersikulo. (Ephesians 4:11-12)
2. Damagem kadagiti ubbing no ania kadagiti sumaganad nga aktibidad ti usarenda tapno maaramat dagiti naespirituan a sagut tapno maparang-ay ti bagi ni Crsito.
 - a. Manghost ti family fellowship
 - b. Mangplano ti kararag para iti sangakarrubaan
 - c. mangisagana ti pagay-ayam dagiti pada nga ubbing diay kapilya
 - d. makatulong a mangorganisa ti medical-dental mission,

G. Pangrikep nga Aramid

1. Panagdaton
2. Reflective Action: "Usarek ti naespirituan a sagut nga inted ti Dios kaniak"
3. Pangrikep a Kanta: "My Task" (Hymnal of a Faith Journey # 311) third stanza
4. Pangrikep a Kararag: "Apo Dios agyamankami kadagiti naespirituan a sagut nga inpaaymo kadakami. Tulongannakami tapno mausarmi nga pangdayaw kenka ken pangpapintas iti Iglesiasami isu a bagi ni Cristo. Tulongam dagiti pastor ken mangisursuro kadakami tapno tulonganda kami nga mangdiskubre iti talugading nga adda kadakami. Amen!

Youth Level

August 28, 2016

Maikasangapulo ket Uppat a Domingo Kalpasan ti Pentecostes:

Paulo ti Leksion 39: “Ti Mangsursuro a Bileg ti Espiritu Santo”

DAGITI TEKSTO:

Old Testament: Exodus 4:1-17

Daan a Tulag: Exodo 4:1-17

4 Nupay kasta, kas sungbat kinuna ni Moises: “Ngem no kas pagarigan saandak a pasien ket saanda nga umimdeng iti timekko, agsipud ta kunaenda, ‘Ni Jehova saan a nagparang kenka.’”

2 Idin kinuna kenkuana ni Jehova: “Ania dayta adda ita imam?” nga iti dayta kinunana: “Maysa a sarukod.” **3** Sumaganad kinunana: “Ipuruakmo iti daga.” Gapuna impuruakna iti daga, ket nagbalin a serpiente;e ket nangrugi nga adaywan ni Moises. **4** Ni Jehova kinunana ita ken Moises: “Iyunnatmo ta imam ket gammatam iti ipusna.” Gapuna inyunnatna ti imana ket ginammatanna, ket nagbalin a sarukod iti dakulapna. **5** “Tapno iti kasta,” kas panangadaw kenkuana, “patienda koma a ni Jehova a Dios dagidi ammada,f ti Dios ni Abraham,g ti Dios ni Isaac ken ti Dios ni Jacob,i nagparang kenka.”

6 Kalpasanna kinuna kenkuana ni Jehova iti naminsan pay: “Isuksokmo ta imam, pangngaasim, iti makinngato a kupin ti kawesmo.” Gapuna insuksokna ti imana iti makinngato a kupin ti kawesna. Idi inruarna, ay ket, adtoy ti imana nagkukutel a ti langana kasla niebel;k **7** Kalpasan dayta kinunana: “Isublim ta imam iti makinngato a kupin ti kawesmo.” Gapuna insublina ti imana iti makinngato a kupin ti kawesna. Idi inruarna manipud makinngato a kupin ti kawesna, ay ket, adtoy nagsubli kas iti dadduma a lasagna!a **8** “Ket mapasamakto a,” kas panangadaw kenkuana, “no saandakanto a pasien ket saandanto nga umimdeng iti timek ti umuna a pagilasinan, ngarud sigurado a patiendanto ti timek ti maud-udi a pagilasinan.**9** Kaskasdi, mapasamakto a, no saandanto a pasien dagitoy mismo

a dua a pagilasinan ket saandanto nga umimdeng iti timekmo, ngarud kasapulan a mangalakanto iti danum manipud Karayan Nilo ket ibuyatmo iti namaga a daga; ket ti danum nga alaemto iti Karayan Nilo sigurado nga agbalinto, wen, pudno nga agbalinto a dara iti namaga a daga.”d **10** Ni Moises kinunana ita ken Jehova: “Dispensarennak, Jehova, ngem saanak a natalabita a pumapalawag, uray nanipud pay idi kalman wenno nanipud pay kasakbayan dayta wenno nanipud pay panagsaom iti adipenmo, ta naullayat ti ngiwatko ken naullayat ti dilak.” **11** Iti kasta kinuna kenkuana ni Jehova: “Siasino ti nangituding iti ngiwat maipaay iti tao wenno siasino ti mangitudingiti umel wenno iti tulengwenno iti nalawag-panagkitana wenno iti bulsek? Saan aya a siak, ni Jehova? **12** Gapuna

ita mapanka, ket siak addaakto iti ngiwatmo ket isurokanto no ania ti rebbeng a sawem.” **13** Ngem kinunana: “Dispensarennak, Jehova, ngemagbaonka, pangngaasim, babaen ti ima daydiay ibaonmonto.” **14** Idin bimmara ti unget ni Jehova maibusor ken Moises ket kinunana: “Saan aya a kabsatmo ni Aaron a Levita? Ammok nga isu pudno a kabalinanna ti agsao. Ket, malaksid iti dayta, adtoy umumayen a sumabet kenka. Inton makitanaka, sigurado nga agragonto iti pusona.b **15** Ket masapul nga agsaoka kenkuana ket ikabilmo dagiti sao iti ngiwatna: ket siak addaakto iti ngiwatmo ken iti ngiwatna, ket isurokayto no ania ti aramidenyo. **16** Ket masapul nga isawannaka iti ili; ket mapasamakto nga agserbinto kenka a pannakangiawat,f ket agserbikanto a kas Dios kenkuana. **17** Ket daytoy a sarukod itugotmonto ita imam tapno maaramidmo dagiti pagilasinan babaen iti dayta.”

Baro a Tulag: Efeso 4:11-12

21 Awan duadua a nangnagenyon ti maipapan kenkuana ket kas pasurotna naisuro kadakayo ti kinapudno maipapan ken Jesus. 22 Iwaksiyo ngarud ti daan a kinataoyo a nangidalan ti sigud a katataoyo- ti daan a panagbiagyo a nangdadael idi kadakayo gapu iti tarigagay a nangyaw-awan kadakayo.

PANNAKAILAWLAWAG TI TEKSTO

Ti istoria ti pannakaayab ni Moises ket maysa kadagiti kalatakan nga istoria no kasano nga ayaban ti Dios ti maysa a tao tapno agbalin nga instrumento ti pannakaipatungpal ti nadosan nga plano ti panangsalbar ken panangwayawaya kadagiti tattao manipud pannakairurumen ken pannakaadipen manipud Egipto. Kasta met nga ti sungbat ni Moises ket gagangay nga sungbat ti maysa tao nga agkem iti kritikal, agbalin nga pakaistoryaan ken ti akem a mangbalaliw iti kagimongan. Adda latta panagtukkiad ti rikna wenno panagatras, ken panagbuteng gapu iti nadagsen nga maipaakem kenkuana. Ipakita met daytoy nga istoria nga no agayab ti Dios, tulonganna ket idalanna aniaman ti aramidenna. Saanna pulos nga bay-bayan, makitana ti pagkapsutan ken punnoanna tapno mausar dagiti abilidad ken talento nga agpaay iti panagakem iti trabaho nga iyayab ti Dios.

Daytoy ti kangatuan nga parang ti komitment nga panangisalakan kadagiti tattao ti Dios. Naunday a panawen ti panagrigat dagiti Israelita ta isangitda iti rigatda manipud iti ima dagiti Egipsios, tartarigagayanda ti maisalbar ken mawayawayaan. Umawagda iti pannulong iti Dios, ket ti Dios nangeгна dagiti saning-i dagiti tattao, isut' gapuna nga agayab met kadagiti tattao nga agbalin nga ahente iti pannakaisalakan. Inayabanna ni Moises iti daytoy akem, numan pay saan nga nalaing wenno eksperto ngem inted ti Dios ti pannakabalin tapno maaramidna dagiti naipaakem kenkuana.

Mabalin nga nakita ti Dios ni ti kinasiasino ni Moises gaputta napadakkel nga Ehipsios ngem addaan puso nga Hebreo. Nakita ti Dios ti puso ni Moises nga addaan nadam-eg a panagayat kadagiti tattao nga agsagsagaba ken biktima iti nadangkok nga ima dagiti papangulo. Naimatangan ti Dios ti panangprotekta ni Moises kadagiti tattao. Sinalbarna ti agbalinto nga asawana ni Zipporah manipud pannakagungundaway. Kanayonna a tulongan dagiti nakapuy ken nakapsut. Saan a nagbalin dagiti pambar ni Moises, no di ket dagitoy dagiti pinapigsa ti Dios tapno maaramidna dagiti naipakomit kenkuana.

Ti sagut ti Espiritu Santo, ti sagut ti panagayat isu ti tanda ti kinamannakabalin ti Dios nga agpannurray kadagiti miembro ken papangulo iti agdama a panawen. Kas nailanad iti Efeso 4:11-12, adu dagiti nasagutan iti nagduduma a sagsagut nga nagtaud iti Dios babaen iti Espiritu Santona. Addada dagiti nasagutan ken naituding nga agbalin nga apostoles- addaanda iti abilidad ken komitment nga agsaksi iti amin a pannakabalin iti panangwayawaya ken panangagagas ni Jesus Cristo. Dagiti dadduma pay nasagutan nga agpadto- silalatak ken situtered nga mangiwaragawag kadagiti sasao ken pagayatan ti Dios iti panawentayo. Dagiti dadduma nasagutan met iti sagut a mangasaba- mangibingay iti naimbag a damag ti namnama ken naraniag a masakbayan para kadagiti nakurapay ken mairurumen, dadduma nagbalin a pastor- mangisuro, naanus a mangipalpalagip kadagiti sasao ken pagayatan ti Dios ditoy lubong. Magannong kadagiti akem a mangidalan iti panannakaitukit, pannakataripato, panangdakkel ken panangbalin a manakem dagiti tattao kangrunaan kadagiti naespirituan a biag dagiti tattao. Dagiti dadduma nasagutan ti panangisuro- tapno babaen iti panangisuro maamuan a naimbag dagiti tattao ti pammati ti Iglesia, maibiagda ket agbalinda a sibibiag a saksi iti agdama a tiempo.

Dagitoy a sagsagut masapul a nakabatay wenno napundasionan iti ayat manipud kadagiti kaunggan ti puso, aniaman a klase ti panagbiag tapno agbalin nga epektibo wenno nasamay nga pamuspusan ti pannakaisaknap ti mission ken Naimbag a Damag ti Dios. Ti panagbalin nga apostoles, mangaskasaba, pastor, mangisursuro, ken dadduma pay ket saan a nasamay no saan a nakapundar iti ayat. Agbalin nga nasantak ti akem ken responsibilidad no ti trabahuem wenno ar-aramiden ket addaan ayat ken ragsak ti panangisayangkat. Daytoy a sagut ti kapada ti sagut nga adda ken Moises idi ta inayaban ti Dios, nakitana, nariknana, napadasanna dagiti tuok ken rigat dagiti tattao isut' gapu a maipasdek iti ayat iti pusona tapno nu man pay adu ti pambarna, nagtulnog babaen iti panangisuro ti Dios kenkuana. Daytoy a sagut iti panagayat ti mangselyo iti panagbalin dagiti apostoles nga nanakem ken panagbalin dagiti papastor ken mangisursuro tapno maaddaan iti nauneg a komitment iti trabahoda. Daytoy a sagut ti Espiritu Santo ti mangtalmeg iti panannakaisuro ti bagi ni Cristo tapno agbalin sinsero, ken seryoso iti akemna iti lubong uray iti baet iti kinadakes, kinadangkok iti agdama. Makarit ngarud ti Iglesia nga mangaramid ti akem ken missionna iti agdama.

TARABAY KADAGITI MANGISURO

Ti Constitution ti UCCP ibagana iti Seksyon 1, artikulo IV "The Ministry of the Church" "Ti Iglesia, kas tattao wenno annak ti Dios, naayaban nga agayat ken agserbi ken mangbirok wenno mangisaknap iti talna a nakabasar iti husticia ken rekonsilyasion, a kas panagtulnog iti pagwadan nga inpakita ni Jesus. Kas bigbigentayo dagiti nadumaduma a sagut ti Dios kadatayo, amin ngarud a miembros ket naayaban a makipagpaset wenno makipagpatisipar iti ministerio...." (*"the church, as the People of God, is called to a ministry of love and service and*

the search for peace based on justice and reconciliation, in obedience to, and as exemplified by Jesus Christ. Having been given a diversity of gifts, all church members are called upon to participate in this ministry....")

Idi ta in-anunsiyo ni Jesus ti ministeriona iti sinagoga diay Nazareth, kinunana, "Ti Espiritu ti Dios adda kaniak....." Ti Espiritu Santo inbuyatna iti Iglesia dagiti nadumaduma a sagsagut a kasapulan dagiti miembros tapno maipatungpal dagiti nadumaduma nga akem ti panangministerio. Kayat a sawen daytoy nga saan nga ipalubos ti Dios nga agministerio ti Iglesia nga awan ummannatop nga kabaelan dagiti miembros nga mangyaramid ti trabaho ti Dios ditoy lubong. Kas kuna ni Marthin Luther, "Saan nga ibaon ti Dios ti aniaman nga saantay ammo nga aramidem." Kayat a sawen daytoy nga ti Dios naayat ken naindaklan unay saan laeng a mamakawan kadatayo no di ket suruannatayo kadagiti umno nga aramidentayo kas Iglesia tapno agtulnog iti wagas ti ministerio ni Jesus.

Ti Iglesia masapul nga maawatanna nga ti Espiritu Santo ket isu ti Espiritu ni Cristo no sadino nga ti ministeriona ket agayat ken agserbi ken agtulnog iti "inpakita ni Jesus." Ania ti inaramid ni Jesus ken ania ti inaramidna kadakuada. Ti sagut ti Espiritu Santo ket nairanta kadagiti mamati ken Jesus nga agtulnog iti pagwadan nga inyaramidna iti adda ditoy lubong. Gapu itoy, inpaganetget ni Apostol San Pablo nga ti panagsao kadagiti nadumaduma a pagsasao ket ekspresion ti presensiyana kadatayo. Masapul nga agsaoka kadagiti balikas ti panagbiag dagiti tattao tapno maruk-atanda manipud kinarigat, kinadakes ken mayaonda iti nasaysayaat a kasasaad iti biag.

Kada tawen, agisagana ti Iglesia kadagiti plano ken pinansiya iti sumaruno a tawen basar iti kasasaad iti napalabas a tawen. Adu dagiti plano a nalpas ken nayaramid ti Iglesia. Ok nasayaat unay. Ngem ti kritikal nga saludsod, manun a porsiento ti naaramid ti Iglesia tapno malukatan dagiti panpanunot dagiti miembro iti pudpudno nga ministerio ni Jesus. Ti kasayatan pay nga pagrukodan ket dagiti kadi miembro ket adda nagbalbaliwan ti panagbiagda maipapan iti kagagalad, ug-ugali ken prinsipyo ni Jesu Cristo? Umarni kadi ti biagda iti biag ni Jesus isu a pinatida? Ti Espiritu Santo ipalubostayo nga suruannatayo kas Iglesia nga itrabaho dagiti akemtayo a mangisuro, mangispirar ken mangbalbaliw kadagiti miembro iti nasaysayaat a galad ken pannirigan tapno babaen iti pannakasursuro mapanda iti lubong tapno agsilnag ken mangisaknap iti naraniag a namnama ti masakbayan a naituding para kadatayo amin.

I. Panggep

Kalpasan ti panagadal, dagiti nagatendar ket manamnama a:

1. Maibagada nga ti ministerio ti Iglesia ket ti ministerio ti panagayat ken panagserbi;
2. Mainspiraran ti Iglesia nga mangbirok iti kappia a nakabasar iti husticia ken rekonsilyasion;
3. Mainaganda dagiti naespirtuan a sagut ti Dios kadakuada tapno maipaayda iti pannakaituloy ti ministerion ni Cristo Jesus;
4. Maserolbada nga aramatenda ti sagut ti Espiritu Santo tapno mausarda iti panagtrabaho iti pannakapasayaat iti bagi ni Cristo.

II. Konsepto: Ti Espiritu Santo mangted sagut a mangparang-ay kadagiti agtutubo tapno makipagpaset iti trabaho ti bagi ni Cristo.

Dagiti Kasapulan: Biblia, himno, activity sheets, pagkantaan,

III. Linaon/Wagas ti Panagadal

A. Panglukat a panagdaydayaw

1. Panangpasangbay:

2. Panglukat a Kararag: Apo Dios agyamankami nabia a sasaom a mangparegta kadakami. Tulongannakami a dumngeg babaen iti Espiritu Santom. Tulongannakami nga mangibiag kadagitoy adalenmi. Agkararagkami ken Jesus nga Apomi, Amen!

3. Panglukat a Kanta: "My Task" (Hymnal of a Faith Journey # 311) first two stanzas

B. Panagsagana

Ibaga kadagiti agtutubo nga ibingayda no ania ti pakiparpartisiparanda nga ministerio ti Dios. Ekspektaren dagiti sumaganad: music ministry, youth ministry, campus ministry,

shepherding ministry, disaster response ministry. Ibagam nga panunotenda no ania dagiti namagbalin nganaballigi dagitoy nga ministerio. Ipaganetget nga ti panagmaymaysa wenna teamwork ket dakkel ti maitulongna iti panangballigi dagiti ganuat ti Iglesia.

C. Panawen ti Panagadal

Ibagam iti klase nga basaenda ti pakaibatayan ti leksion ita a bigat.

1. *Exodus 4:1-17*. Sinagutan ken sinuruan ti Dios ni Moises tapno idalanna dagiti tattao nga umalsa manipud panangirurumen dagiti Egipsios.
2. *Ephesians 4:11-12, 16*. Ti Espiritu Santo sinagutanna dagiti amin a miembrso iti kapabilidad a mangpasayaat iti Iglesia ken tapno maipasdek ti Iglesia babaen iti ayat.

D. Panangpauneg ti Adal/Panagbibinuray

Ilawlawag ti leksion.

1. Ania ti panagkunam, iti ta ayaban ti Dios ni Moises agatras wenna agtukkiad a managramid ti trabaho nga ipaakem ti Dios kenkuana. (Marikna ni Moises nga saan nga umdas ti abilidad wenna kapasidadna a mangaramid ti trabahona.)
2. No ayaban ti Dios ti maysa a tao, makita ti Dios dagiti pagkapsutan ken pagpigsaan ket babaen iti Espiritu Santo suruanna kadagiti masapul nga kababalin ken pigsap tapno maaramat iti akem. Kasano nga sinuruan ti Dios ni Moises ti panangitrabahona ti akemna? (*Exodus 4:3-5, 6-7, 8-9, 10-16*)
3. Ti Dios ket mapagtalkan a Dios no sadino nga ti ayatna ket para kadayo nga tattao. Kasano nga ayaban ti Dios dagiti tattao nga ordinario tapno trabahuenda dagiti dadakkel a banbanag nga ipaakem ti Dios kadakuada?
4. Mangted ti komento kadagiti sumaganad. Ti Iglesia, kas sinuruan ken inikkan ti Espiritu Santo ti kababalin nga mangikomit ti biagna nga agserbi. Dagitoy dagiti konsiderasyon;
 - a.) Ti Iglesia, kas mayarig iti bagi ti tao nga addaan nadumaduma nga akem tapno mapapigsa ken mapasayaat ti bagi nga agtalinaed nga nasalun-at ken napigsa, nga addaan kadagiti miembros nga addaan particular nga akem iti biag ken ministerio ken biagna. Ania ti mapasamak no dagiti miembros saan da nga aramiden ti naipakomit a trabaho para kadakuada? (Agsagaba ti Iglesia)
 - b.) Ipaay ti Dios dagiti masapul nga sirib, abilidad, kapasidad, kagagalad nga maaramat babaen iti sagut ti Espiritu Santo. Panagmaymaysa ti masapul tapno maaramid dagiti trabaho ti Dios ditoy lubong. Ania ngarud dagiti ekspektaren kadagiti amin a miembros? (agtrabaho ken agmaymaysa para iti pannakapasayaat ti bagi ni Cristo)
 - c.) Ni Cristo ti ulo ti Iglesia gaputta ti otoridad na naggaput sadi langit iti Dios ken kasta met ditoy daga. Ti mission ni Jesus ket is ti misyon ti Iglesia. Ngarud amin a miembros kas paset ti bagi ni Cristo, nasursuruan ken naadalan iti dayta nga aken ket masapul nga aramiden. Mamatika kadi nga daytoyen ti oras, aknito ken tiempo nga agmaymaysatayo nga aramiden dagiti komitment ken trabahotayo?

E. Panangdiskubre ti Adal:

Saludsodem: Kasano a ti Espiritu Santo mangted sagut a mangparang-ay kadagiti agtutubo tapno makipagpaset iti trabaho ti bagi ni Cristo?

F. Panangyaplikar ti Adal

Ibagam iti klase nga mangisaganada ti ministry plan para iti Iglisis babaen iti panangipaay kadagiti sumaganad nga pamay-an wenna pamuspusan nga sipapanunot iti misyon ni Jesus(Luke 4:18-19):

- a.) Para iti panagdayaw ken nakristianuan nga edukasyon
 1. Mayadal a nalainng ken naaktibo a panagadal kadagiti Sasao ti Apo nga addaan nasayaat nga impact kadagiti sumarsaruno nga kaputotan.
 2. Maaddaan iti naragsak ken addaan partisipasyon dagiti isuamin iti panagdayaw.
 3. Addaan alternatibo ken indigenous a pamay-an ti panagdayaw

- b.) Para iti Shepherding and Outreach ministry
 - 1. Masungbatan ti kasapulan dagiti marigrigat
 - 2. Mangrugi iti programa a mangpakan kadagiti mabisin
 - 3. Makipagpaset iti disaster response management
- c.) Para kadagiti amin a ministerio
 - 1. Maaddaan iti kanayon nga panaglalangen langen ken panagpipinnalagip kadagiti masapul nga aramiden
 - 2. Maaddaan iti programa a pannakasanay ken pannakasursuro a kanayon.

G. Pangrikep a Panagdayaw

- 1. Ikabesa a bersikulo:
- 2. Panagdaton
- 3. Pangrikep a Kanta: "My Task" (Hymnal of a Faith Journey # 311) last stanza
- 4. Pangrikep a Kararag: "Apo Dios agyamankami iti panangayab mo kadakami nga agserbi kenka babaen iti panagserbimi kadagiti padami a tattao. Idalannakami tapno mabalinanmi nga ibiag dagiti pammatimi babaen iti nalinteg a panagbiag. Tulongannakami tapno mabalbaliwan dagiti galadmi tapno kanayon kami a nakasagana nga sumungbat iti ayab ke awismo kadakami iti baet dagiti pagkapsutan ken panagbutengmi. Kanayon kadi O Apo nga luktam dagiti pusomi ken biag tapno maadalan ken masursuruan ken masanay babaen iti Espirtu Santo. Daytoy ti kararagmi ken Jesus nga Apomi. Amen!

ADULT LEVEL

August 28, 2016

Maikasangapulo ket Uppat a Domingo Kalpasan ti Pentecostes:

Paulo ti Leksion 39: “Ti Mangsursuro a Bileg ti Espiritu Santo”

DAGITI TEKSTO:

Old Testament: Exodus 4:1-17

Daan a Tulag: Exodo 4:1-17

4 Nupay kasta, kas sungbat kinuna ni Moises: “Ngem no kas pagarigan saandak a patien ket saanda nga umimdeng iti timekko, agsipud ta kunaenda, ‘Ni Jehova saan a nagparang kenka.’”
2 Idin kinuna kenkuana ni Jehova: “Ania dayta adda ita imam?” nga iti dayta kinunana: “Maysa a sarukod.” **3** Sumaganad kinunana: “Ipuruakmo iti daga.” Gapuna impuruakna iti daga, ket nagbalin a serpiente;^e ket nangrugi nga adaywan ni Moises. **4** Ni Jehova kinunana ita ken Moises: “Iyunnatmo ta imam ket gammatam iti ipusna.” Gapuna inyunnatna ti imana ket ginammatanna, ket nagbalin a sarukod iti dakulapna. **5** “Tapno iti kasta,” kas panangadaw kenkuana, “patienda koma a ni Jehova a Dios dagidi ammada,^f ti Dios ni Abraham,^g ti Dios ni Isaac ken ti Dios ni Jacob,ⁱ nagparang kenka.”

6 Kalpasanna kinuna kenkuana ni Jehova iti naminsan pay: “Isuksokmo ta imam, pangngaasim, iti makinngato a kupin ti kawesmo.” Gapuna insuksokna ti imana iti makinngato a kupin ti kawesna. Idi inruarna, ay ket, adtoy ti imana nagkukutel a ti langana kasla niebel!
7 Kalpasan dayta kinunana: “Isublim ta imam iti makinngato a kupin ti kawesmo.” Gapuna insublina ti imana iti makinngato a kupin ti kawesna. Idi inruarna manipud makinngato a kupin ti kawesna, ay ket, adtoy nagsubli kas iti dadduma a lasagna!
8 “Ket mapasamakto a,” kas panangadaw kenkuana, “no saandakanto a patien ket saandanto nga umimdeng iti timek ti umuna a pagilasinan, ngarud sigurado a patiendanto ti timek ti maud-udi a pagilasinan.”
9 Kaskasdi, mapasamakto a, no saandanto a patien dagitoy mismo

a dua a pagilasinan ket saandanto nga umimdeng iti timekmo, ngarud kasapulan a mangalakanto iti danum manipud Karayan Nilo ket ibuyatmo iti namaga a daga; ket ti danum nga alaemto iti Karayan Nilo sigurado nga agbalinto, wen, pudno nga agbalinto a dara iti namaga a daga.”
10 Ni Moises kinunana ita ken Jehova: “Dispensarennak, Jehova, ngem saanak a natalabit a pumapalawag, uray nanipud pay idi kalman wenno nanipud pay kasakbayan dayta wenno nanipud pay panagsaom iti adipenmo, ta naullayat ti ngiwatko ken naullayat ti dilak.”
11 Iti kasta kinuna kenkuana ni Jehova: “Siasino ti nangituding iti ngiwat maipaay iti tao wenno siasino ti mangitudingiti umel wenno iti tulengwenno iti nalawag-panagkitana wenno iti bulsek? Saan aya a siak, ni Jehova?”
12 Gapuna

ita mapanka, ket siak addaakto iti ngiwatmo ket isurokanto no ania ti rebbeng a sawem.”
13 Ngem kinunana: “Dispensarennak, Jehova, ngemagbaonka, pangngaasim, babaen ti ima daydiay ibaonmonto.”
14 Idin bimmara ti unget ni Jehova maibusor ken Moises ket kinunana: “Saan aya a kabsatmo ni Aaron a Levita? Ammok nga isu pudno a kabalinanna ti agsao. Ket, malaksid iti dayta, adtoy umumayen a sumabet kenka. Inton makitanaka, sigurado nga agragonto iti pusona.”
15 Ket masapul nga agsaoka kenkuana ket ikabilmo dagiti sao iti

ngiwatna: ket siak addaakto iti ngiwatmo ken iti ngiwatna, ket isurokayto no ania ti aramidenyoy. **16** Ket masapul nga isawannaka iti ili; ket mapasamakto nga agserbinto kenka a pannakangiwayat, f ket agserbikanto a kas Dios kenkuana. **17** Ket daytoy a sarukod itugotmonto ita imam tapno maaramidmo dagiti pagilasinan babaen iti dayta.”

Baro a Tulag: Efeso 4:11-12

21 Awan duadua a nangnagenyon ti maipapan kenkuana ket kas pasurotna naisuro kadakayo ti kinapudno maipapan ken Jesus. 22 Iwaksiyo ngarud ti daan a kinataoyo a nangidalan ti sigud a katataoyo- ti daan a panagbiagyo a nangdadael idi kadakayo gapu iti tarigagay a nangyawawan kadakayo.

PANNAKAILAWLAWAG TI TEKSTO

Ti istoria ti pannakaayab ni Moises ket maysa kadagiti kalatakan nga istoria no kasano nga ayaban ti Dios ti maysa a tao tapno agbalin nga instrumento ti pannakaipatungpal ti nadosan nga plano ti panangsalbar ken panangwayawaya kadagiti tattao manipud pannakairurumen ken pannakaadipen manipud Egipto. Kasta met nga ti sungbat ni Moises ket gagangay nga sungbat ti maysa tao nga agakem iti kritikal, agbalin nga pakaistoryaan ken ti akem a mangbalaliw iti kagimongan. Adda latta panagtukkiad ti rikna wenno panagatras, ken panagbuteng gapu iti nadagsen nga maipaakem kenkuana. Ipakita met daytoy nga istoria nga no agayab ti Dios, tulonganna ket idalanna aniaman ti aramidenna. Saanna pulos nga bay-bayan, makitana ti pagkapsutan ken punnoanna tapno mausar dagiti abilidad ken talento nga agpaay iti panangakem iti trabaho nga iyayab ti Dios.

Daytoy ti kangatuan nga parang ti komitment nga panangisalakan kadagiti tattao ti Dios. Naunday a panawen ti panagrigat dagiti Israelita ta isangitda iti rigatda manipud iti ima dagiti Egipsios, tartarigagayanda ti maisalbar ken mawayawayaan. Umawagda iti pannulong iti Dios, ket ti Dios nangeгна dagiti saning-i dagiti tattao, isut' gapuna nga agayab met kadagiti tattao nga agbalin nga ahente iti pannakaisalakan. Inayabanna ni Moises iti daytoy akem, numan pay saan nga nalaing wenno eksperto ngem inted ti Dios ti pannakabalin tapno maaramidna dagiti naipaakem kenkuana.

Mabalin nga nakita ti Dios ni ti kinasiasino ni Moises gaputta napadakkel nga Ehipsios ngem addaan puso nga Hebreo. Nakita ti Dios ti puso ni Moises nga addaan nadam-eg a panagayat kadagiti tattao nga agsagsagaba ken biktima iti nadangkok nga ima dagiti papangulo. Naimatangan ti Dios ti panangprotekta ni Moises kadagiti tattao. Sinalbarna ti agbalinto nga asawana ni Zipporah manipud pannakagungundaway. Kanayonna a tulongan dagiti nakapuy ken nakapsut. Saan a nagbalin dagiti pambar ni Moises, no di ket dagitoy dagiti pinapigsa ti Dios tapno maaramidna dagiti naipakomit kenkuana.

Ti sagut ti Espiritu Santo, ti sagut ti panagayat isu ti tanda ti kinamannakabalin ti Dios nga agpannurray kadagiti miembro ken papangulo iti agdama a panawen. Kas nailanad iti Efeso 4:11-12, adu dagiti nasagutan iti nagduduma a sagsagut nga nagtaud iti Dios babaen iti Espiritu Santona. Addada dagiti nasagutan ken naituding nga agbalin nga apostoles- addaanda iti abilidad ken komitment nga agsaksi iti amin a pannakabalin iti panangwayawaya ken panangagagas ni Jesus Cristo. Dagiti dadduma pay nasagutan nga agpadto- silalatak ken situtered nga mangiwaragawag kadagiti sasao ken pagayatan ti Dios iti panawentayo. Dagiti dadduma nasagutan met iti sagut a mangasaba- mangibingay iti naimbag a damag ti namnama ken naraniag a masakbayan para kadagiti nakurapay ken mairurumen, dadduma nagbalin a pastor- mangisuro, naanus a mangipalpalagip kadagiti sasao ken pagayatan ti Dios ditoy lubong. Magannong kadagiti akem a mangidalan iti panannakaitukit, pannakataripato, panangdakkel ken panangbalin a manakem dagiti tattao kangrunaan kadagiti naespirituan a biag dagiti tattao. Dagiti dadduma nasagutan ti panangisuro- tapno babaen iti panangisuro maamuan a naimbag dagiti tattao ti pammati ti Iglesia, maibiagda ket agbalinda a sibibiag a saksi iti agdama a tiempo.

Dagitoy a sagsagut masapul a nakabatay wenno napundasionan iti ayat manipud kadagiti kaunggan ti puso, aniaman a klase ti panagbiag tapno agbalin nga epektibo wenno nasamay nga pamuspusan ti pannakaisaknap ti mission ken Naimbag a Damag ti Dios. Ti panagbalin nga apostoles, mangaskasaba, pastor, mangisursuro, ken dadduma pay ket saan a nasamay no saan a nakapundar iti ayat. Agbalin nga nasantak ti akem ken responsibilidad no ti trabahuem wenno ar-aramiden ket addaan ayat ken ragsak ti panangisayangkat. Daytoy a sagut ti kapada ti sagut nga adda ken Moises idi ta inayaban ti Dios, nakitana, nariknana, napadasanna dagiti tuok ken rigat dagiti tattao isut' gapu a maipasdek iti ayat iti pusona tapno nu man pay adu ti pambarna, nagtulnog babaen iti panangisuro ti Dios kenkuana. Daytoy a sagut iti panagayat ti mangselyo iti panagbalin dagiti apostoles nga nanakem ken panagbalin dagiti papastor ken mangisursuro tapno maaddaan iti nauneg a komitment iti trabahoda. Daytoy a sagut ti Espiritu Santo ti mangtalmeg iti panannakaisuro ti bagi ni Cristo tapno agbalin sinsero,

ken seryoso iti akemna iti lubong uray iti baet iti kinadakes, kinadangkok iti agdama. Makarit ngarud ti Iglesia nga mangaramid ti akem ken missionna iti agdama.

TARABAY KADAGITI MANGISURO

Ti Constitution ti UCCP ibagana iti Seksyon 1, artikulo IV “The Ministry of the Church” “Ti Iglesia, kas tattao wenna annak ti Dios, naayaban nga agayat ken agserbi ken mangbirok wenna mangisaknap iti talna a nakabasar iti husticia ken rekonsilyasion, a kas panagtulnog iti pagwadan nga inpakita ni Jesus. Kas bigbigentayo dagiti nadumaduma a sagut ti Dios kadatayo, amin ngarud a miembros ket naayaban a makipagpaset wenna makipagpatisipar iti ministerio....” (*“the church, as the People of God, is called to a ministry of love and service and the search for peace based on justice and reconciliation, in obedience to, and as exemplified by Jesus Christ. Having been given a diversity of gifts, all church members are called upon to participate in this ministry....”*)

Idi ta in-anunsiyo ni Jesus ti ministeriona iti sinagoga diay Nazareth, kinunana, “Ti Espiritu ti Dios adda kaniak.....” Ti Espiritu Santo inbuyatna iti Iglesia dagiti nadumaduma a sagsagut a kasapulan dagiti miembros tapno maipatungpal dagiti nadumaduma nga akem ti panangministerio. Kayat a sawen daytoy nga saan nga ipalubos ti Dios nga agministerio ti Iglesia nga awan ummannatop nga kabaelan dagiti miembros nga mangyaramid ti trabaho ti Dios ditoy lubong. Kas kuna ni Marthin Luther, “Saan nga ibaon ti Dios ti aniaman nga saantay ammo nga aramiden.” Kayat a sawen daytoy nga ti Dios naayat ken naindaklan unay saan laeng a mamakawan kadatayo no di ket suruannatayo kadagiti umno nga aramidentayo kas Iglesia tapno agtulnog iti wagas ti ministerio ni Jesus.

Ti Iglesia masapul nga maawatanna nga ti Espiritu Santo ket isu ti Espiritu ni Cristo no sadino nga ti ministeriona ket agayat ken agserbi ken agtulnog iti “inpakita ni Jesus.” Ania ti inaramid ni Jesus ken ania ti inaramidna kadakuada. Ti sagut ti Espiritu Santo ket nairanta kadagiti mamati ken Jesus nga agtulnog iti pagwadan nga inyaramidna iti adda ditoy lubong. Gapu itoy, inpagantget ni Apostol San Pablo nga ti panagsao kadagiti nadumaduma a pagsasao ket ekspresion ti presensiyana kadatayo. Masapul nga agsaoka kadagiti balikas ti panagbiag dagiti tattao tapno maruk-atanda manipud kinarigat, kinadakes ken mayaonda iti nasaysayaat a kasasaad iti biag.

Kada tawen, agisagana ti Iglesia kadagiti plano ken pinansiya iti sumaruno a tawen basar iti kasasaad iti napalabas a tawen. Adu dagiti plano a nalpas ken nayaramid ti Iglesia. Ok nasayaat unay. Ngem ti kritikal nga saludsod, manun a porsiento ti naaramid ti Iglesia tapno malukatan dagiti panpanunot dagiti miembro iti pudpudno nga ministerio ni Jesus. Ti kasayatan pay nga pagrukodan ket dagiti kadi miembro ket adda nagbalbaliwan ti panagbiagda maipapan iti kagagalad, ug-ugali ken prinsipyo ni Jesu Cristo? Umarni kadi ti biagda iti biag ni Jesus isu a pinatida? Ti Espiritu Santo ipalubostayo nga suruannatayo kas Iglesia nga itrabaho dagiti akemtayo a mangisuro, mangispirar ken mangbalbaliw kadagiti miembro iti nasaysayaat a galad ken pannirigan tapno babaen iti pannakasursuro mapanda iti lubong tapno agsilnag ken mangisaknap iti naraniag a namnama ti masakbayan a naituding para kadatayo amin.

I. Panggep

Kalpasan ti panagadal, dagiti nagatendar ket manamnama a:

1. Maibagada nga ti ministerio ti Iglesia ket ti ministerio ti panagayat ken panagserbi;
2. Mainspiraran ti Iglesia nga mangbirok iti kappia a nakabasar iti husticia ken rekonsilyasion;
3. Mainaganda dagiti naespirtuan a sagut ti Dios kadakuada tapno maipaayda iti pannakaituloy ti ministerion ni Cristo Jesus;
4. Maserolbada nga aramatenda ti sagut ti Espiritu Santo tapno mausarda iti panagtrabaho iti pannakapasayaat iti bagi ni Cristo.

II. Konsepto: Ti Espiritu Santo mangted sagut a mangparang-ay kadagiti agtutubo tapno makipagpaset iti trabaho ti bagi ni Cristo.

Dagiti Kasapulan: Biblia, himno, activity sheets, pagkantaan,

III. Linaon/Wagas ti Panagadal

A. Panglukat a panagdaydayaw

1. Panangpasangbay:

2. Panglukat a Kararag: Apo Dios agyamankami nabiag a sasaom a mangparegta kadakami. Tulongannakami a dumngeg babaen iti Espiritu Santom. Tulongannakami nga mangibiag kadagitoy adalenmi. Agkararagkami ken Jesus nga Apomi, Amen!

3. Panglukat a Kanta: "My Task" (Hymnal of a Faith Journey # 311) first two stanzas

B. Panagsagana

Ibaga kadagiti agtutubo nga ibingayda no ania ti pakiparpartisiparanda nga ministerio ti Dios. Ekspektaren dagiti sumaganad: music ministry, youth ministry, campus ministry, shepherding ministry, disaster response ministry. Ibagam nga panunotenda no ania dagiti namagbalin nganaballigi dagitoy nga ministerio. Ipaganetget nga ti panagmaymaysa wenno teamwork ket dakkel ti maitulongna iti panangballigi dagiti ganuat ti Iglesia.

C. Panawen ti Panagadal

Ibagam iti klase nga basaenda ti pakaibatayan ti leksion ita a bigat.

1. *Exodus 4:1-17.* Sinagutan ken sinuruan ti Dios ni Moises tapno idalanna dagiti tattao nga umalsa manipud panangirurumen dagiti Egipsios.
2. *Ephesians 4:11-12, 16.* Ti Espiritu Santo sinagutanna dagiti amin a miembrso iti kapabilidad a mangpasayaat iti Iglesia ken tapno maipasdek ti Iglesia babaen iti ayat.
3. Ipresentar dagiti sumaganad a kapanpanunotan iti klasem.
 - a.) Addada dagiti nasagutan ken naituding nga agbalin nga apostoles-addaanda iti abilidad ken komitment nga agsaksi iti amin a pannakabalin iti panangwayawaya ken panangagas ni Jesus Cristo. Dagiti dadduma pay nasagutan nga agpadto- silalatak ken situtured nga mangiwaragawag kadagiti sasao ken pagayatan ti Dios iti panawentayo. Dagiti dadduma nasagutan met iti sagut a mangasaba- mangibingay iti naimbag a damag ti namnama ken naraniag a masakbayan para kadagiti nakurapay ken mairurumen, dadduma nagbalin a pastor- mangisuro, naanus a mangipalpalagip kadagiti sasao ken pagayatan ti Dios ditoy lubong. Magannong kadagiti akem a mangidalan iti panannakaitukit, pannakataripato, panangdakkkel ken panangbalin a manakem dagiti tattao kangrunaan kadagiti naespirituan a biag dagiti tattao. Dagiti dadduma nasagutan ti panangisuro- tapno babaen iti panangisuro maamuan a naimbag dagiti tattao ti pammati ti Iglesia, maibiagda ket agbalinda a sibibiag a saksi iti agdama a tiempo.
 - b.) Dagitoy a sagsagut masapul a nakabatay wenno napundasionan iti ayat manipud kadagiti kaunggan ti puso, aniaman a klase ti panagbiag tapno agbalin nga epektibo wenno nasamay nga pamuspusan ti pannakaisaknap ti mission ken Naimbag a Damag ti Dios.
 - c.) Daytoy a sagut ti kapada ti sagut nga adda ken Moises idi ta inayaban ti Dios, nakitana, nariknana, napadasanna dagiti tuok ken rigat dagiti tattao isut' gapu a maipasdek iti ayat iti pusona tapno nu man pay adu ti pambarna, nagtulnog babaen iti panangisuro ti Dios kenkuana. Daytoy a sagut iti panagayat ti mangselyo iti panagbalin dagiti apostoles nga nanakem ken panagbalin dagiti papastor ken mangisursuro tapno maaddaan iti nauneg a komitment iti trabahoda. Daytoy a sagut ti Espiritu Santo ti mangtalmeg iti panannakaisuro ti bagi ni Cristo tapno agbalin sinsero, ken seryoso iti akemna iti lubong uray iti baet iti kinadakes, kinadangkok iti agdama. Makarit ngarud ti Iglesia nga mangaramid ti akem ken missionna iti agdama.
 - d.) Dagiti miembros ken papangulo mabalin nga suktanda ti wagas ti panangidalanda ken anagserbida nga addaan kaasi ken panagayat.

D. Panangpauneg ti Adal/Panagbibinuray

Ibagam iti klasem nga iladawanda ti trabaho dagiti apostoles, propeta, ebanghelista, pastor ken mangisuro. Mabalin nga kitaenda nu ania ti maikanatad kadakuada nga akemen iti uneg ti Iglesia.

E. Panangdiskubre ti Adal:

Saludsodem: Kasano a ti Espiritu Santo mangted sagut a mangparang-ay kadagiti nataengan tapno makipagpaset iti trabaho ti bagi ni Cristo?

F. Panangyaplikar ti Adal

Ibagam iti klase nga mangisaganada ti ministry plan para iti Iglesia babaen iti panangipaay kadagiti sumaganad nga pamay-an wenno pamuspusan nga sipapanunot iti misyon ni Jesus(Luke 4:18-19):

- d.) Para iti panagdayaw ken nakristianuan nga edukasyon
 1. Mayadal a nalaing ken naaktibo a panagadal kadagiti Sasao ti Apo nga addaan nasayaat nga impact kadagiti sumarsaruno nga kaputotan.
 - a.)Maaddaan iti naragsak ken addaan partisipasyon dagiti isuamin iti panagdayaw.
 - b.) Addaan alternatibo ken indigenous a pamay-an ti panagdayaw
 - c.) Para iti Shepherding and Outreach ministry
 2. Masungbatan ti kasapulan dagiti marigrigat
 - a.) Mangrugi iti programa a mangpakan kadagiti mabisin
 - b.) Makipagpaset iti disaster response management
 - c.) Para kadagiti amin a ministerio
 3. Maaddaan iti kanayon nga panaglalangen langen ken panagpipinnalagip kadagiti masapul nga aramiden
 4. Maaddaan iti programa a pannakasanay ken pannakasursuro a kanayon.

G. Pangrikep a Panagdayaw

1. Ikabesa a bersikulo:
2. Panagdaton
3. Pangrikep a Kanta: "My Task" (Hymnal of a Faith Journey # 311) last stanza
4. Pangrikep a Kararag: "Apo Dios agyamankami iti panangayab mo kadakami nga agserbi kenka babaen iti panagserbimi kadagiti padami a tattao. Idalannakami tapno mabalinanmi nga ibiag dagiti pammatimi babaen iti nalinteg a panagbiag. Tulongannakami tapno mabalbaliwan dagiti galadmi tapno kanayon kami a nakasagana nga sumungbat iti ayab ke awismo kadakami iti baet dagiti pagkapsutan ken panagbutengmi. Kanayon kadi O Apo nga luktam dagiti pusomi ken biag tapno maadalan ken masursuruan ken masanay babaen iti Espirtu Santo. Daytoy ti kararagmi ken Jesus nga Apomi. Amen!